

docu river 文川網
入駐商家
在文川網搜索古籍書城 获取更多電子書

豫河續志

信陽陳善同題

中華民國十五年十月
河南河務局印

豫河續志序

明清兩代治河者類以南河為運道所關遂皆詳於南河而畧於豫河實則豫省正當黃河腹部地勢平坦土質疏鬆潰決易而防塞難其重要固遠出南河之上也試觀有清一代黃河決口凡三十九次而豫境竟有二十四次之多非其明証也歟自成同以降南河絕流豫河乃漸為世所注意然特著專書以研究之者迄無其人至前河南河務局吳詠湘局長所編豫河志書成始推專究豫河之鼻祖焉借書中記

豫河續志序

事終於清末民國以後仍付闕如現局長信陽陳君兩人鑑於時代之要求爰議修續志以補前志所未備自十三年春着手編纂至十四年冬全書告成歷時二載甫克蕙事其非率爾操觚也可知余獲讀一周覺其體例之精審分類之詳明考証之確實搜羅之宏富綱舉目張無美不備洵足與前志相發明而彌縫其闕陷矣夫猶是河也西人稱為福海中國視為禍源其故何哉不過言河之書未臻美善治河之法尙欠精良而已是書既成世之留心河務者果使

人手一編神明而變化之則河之害可減而利可興
徵特豫省之福抑亦國家之幸也余魯人也而產地
接壤利害共同且曾駐防豫省多年頗知民間疾苦
今復忝握軍符於是邦真有第二故鄉之感茲幸豫
人之獲有治河專書并能廢續前志俾成全璧也故
喜而序其梗概如此

中華民國十五年八月寇英傑撰

豫河續志

序

三

豫河續志序

黃河之源逾數千里經隴陝諸省始入豫境豫之西
則山脉宛延東水就範起伏有常數千年來迄無河
患豫之東則瀕近於海易於導洩故漫溢多而潰決
少豫省地居腹心三門而下水勢驟闊土薄沙散臨
河城郭或低於河一經潰決爲患甚鉅不得已而以
兩岸隄防約其勢緩其衝而維護之然自周秦以後
河決次數已指不勝屈卽清代二百餘年間已決至
二十餘次之多昔人有言欲疏下流必策上源治河

豫河續志

序

一

無一勞永逸之功有補偏救弊之法不可有喜新炫
奇之智惟當守安常處順之麻故往昔治河重在疏
濬近代治河重在修防河道之移徙變遷因革繫焉
驗之成績以制其宜度其形勢以順其性準今酌古
惟簡冊之是資自禹貢河渠諸志而外專家所述如
全河備要河防一覽行水金鑑河防志畧治河方畧
以及言河籌河等篇幾至盈几充棟而豫河獨無專
書豈足以資考鏡而策萬全哉陳君雨人旣刊行豫
河志矣復於從事防務之暇續爲蒐集編輯凡關於

豫河利弊上起往古下逮今茲史冊所及簡牘所傳
旁及一家之言沿革變遷工程緩急無不鈞深索隱
義蘊畢宣其有裨益於豫豈淺鮮哉近數年間河流
順軌民咸安居則陳君綢繆經營之成績亦胥於是
乎見之矣是爲序濟甯熊炳琦

豫河續志序

禹之治水行所無事九澤既陂水由地中行所謂陂
者即今之隄障是也治河諸書多詳於南河豫河之
有志所以別於南河而續志之編綜名實敘因革條
理不紊利害綦詳誠盛舉也夫事固有當師諸古而
亦有當酌於今者自導河積石因其性而通之緩其
勢而束之紆延曲折以入於海近海之區宜於疏導
內河諸地重在隄防經生論河多崇賈讓讓之策固
有可取然歷代河徙已非故道河運既改情形更殊

河之所經高者能刷卑者能淤滎陽迤東河勢驟闊
奔騰浩瀚難就範圍是以今之隄防重於往昔自磚
石諸壩創於昔賢後人因之歲有增益其間夷險變
化測驗勘估器具工程胥爲專家之學雖老於事者
難窺途徑陳君雨人經營河防久著成績衡今酌古
績成是編蘊秘畢宣事實悉舉使佐之者有所循依
知其緩急則河流順軌豫境胥受其福矣是爲序濟
甯靳雲鵷

docsriver 文川网
入驻商家 古籍书城

在文川网搜索古籍书城 获取更多电子书

序

治河之書載籍極博自夏書平莫以後史冊所載專家所述無慮數十百種名言懋績多可取則而其要旨終不外順河之性而已河無百年不變之形隨其沿革變遷詳述防範疏濬之法使後人得以循其迹而因革焉此河渠諸書所以為世珍也近代著述多成於銅瓦廂未決以前漕運未改故詳於南河而豫河獨畧今南河絕流既久黃河自廣武以東不受兩岸山勢之夾京驟得平地奔騰肆縱治之不得其法

豫河續志 序

汜濫時虞固始吳君詠湘遂有豫河志之作信陽陳君雨人繼長河務既校而梓行之復廣續其事輯為續志關於豫境河道特詳事實列為多門無不網舉目張有條不紊述往則銜接前志可以循迹規隨近事則終始相關易於究其原委工程經費悉為條舉示人以共見之公技術名詞詳為說明使人無探索之苦凡前志所未及悉補輯而無遺繼往開來尤為盛舉維峻兼長是邦得與陳君研求河策因地制宜疏濬防範水性得順居民又安然則是志之編不惟

使後之覽者仰前賢學畫之艱抑以知今日經營之迹之有所自矣是為序蒲城岳維峻

豫河續志 序

二

豫河續志序

豫河之有專書自豫河志始第其中詳案而畧事因
革之故經緯之端無可尋繹閱者憾焉余以十二年
十二月呈准編纂續志屬羅山王君榮楮主其事計
自癸亥冬著手再閱寒暑至乙丑秋告竣內分圖說
沿革職員公牘工料財政治績附錄八門都二十卷
綱舉目張原委畢具盡人閱之可以一目瞭然與前
志參互考究豫河之要盡於此矣雖然是志之所詳
成法也已陳之迹也至臨工之計畫治事之精神則

豫河續志序

不繫乎此循已陳之迹而規及久遠益求完備可也
執已陳之迹而沾沾以得尺得寸自喜不復研求窮
變通久之理則斷乎不可孟子曰禹之行水也行其
所無事也又曰禹之治水水之道也夫所謂無事所
謂水之道豈可專以迹求之哉苟明乎其故則是志
特糟粕焉耳何問世之足云顧余觀於今日之豫河
尚有數事不能不為豫人告者隄防工程大抵臨河
急而背工緩自清嘉慶末武陟馬營壩工後河勢節
節南圜北岸由武滎以至陽封下北隄岸去河遠者

或十餘里多年背工大半荒廢彌望沙磧殆成陵谷
既無力大舉修復而歲修之款又經停止縱隊兵循
例工作而數十人累旬之畚鍤曾不敵汛期中一朝
之風雨功不補患其何能給河勢變遷無常萬一大
溜北來突然出於所備之外何以禦之此可慮者一
也河之由銅瓦廂改道北徙也始於咸豐五年爾時
牽於蘇皖直東四省之爭議東南舊道迄未修築大
隄蘭考一帶串溝漫灘年年浸灌為害於各莊村不
已因循七十年遂成懸案失此時而不一為之所誠

豫河續志序

恐涓涓不息終將有復歸舊道之一日近則瀾及蘭
考雖寧遠則以蘇皖為壑氾濫江淮矣此可慮者二
也豫河之無漫決大工南岸閱四十年北岸閱百餘
年痛苦既亡恬嬉不免操計政者懲於前清河工款
項之糜濫銳加縮減改組以來確定預算實發者曾
不及五分之三河務人員厄於財力覆首則足露扶
東則西倒咄嗟補苴苟求無事歲歲貪天之功僥倖
於不可知之數雖可暫安終非長策夫黃河無百年
不變之形惜有限之小費而不顧無窮之大害非計

也人事未盡而顧可長恃天幸哉使賈潘處此固知其亦必束手矣此可慮者三也河工所需以稽料碎石爲大宗估預算工款十分之九而強其方採價值脚力皆有定章不得私爲伸縮比者人民生計日艱物價奇漲視部價已超至倍蓰承辦人員向日資以爲利者至今反以爲累其裝載碎石之陝西花船以火車已達陝靈花船來者日少卽有之亦多苦運石貨賫之廉改裝他貨再閱數年恐鞏縣購石處運船絕迹矣夫藉以濟臨時石以持永久而來源皆不可

豫河續志

序

三

恃如此不急變通何以善後此可慮者四也與水爭地爲古今治河大忌明清之制瀕河有縷隄縷隄之外有遙隄格限月隄中間相距數里或十數里不等爲慮一時衝決防禦不及特爲大溜留一迴旋地步令襄懷之勢不至漫無限制直逼民居防害既深故區區隙地有所不惜今則遙隄格限月隄及其間沙荒灘地官產處無不售賣淨盡利歸姦猾國家收入無幾河工僅存一綫縷隄及留爲取土之少數柳陰地而言利者猶覬覦未已也外障旣撤孤露特甚少

有漫決其魚之禍將益加劇此可慮者五也前清河工文武人員各專一途與地方絕不相涉爲其練習久而責成專也入民國來羣流競進意今日河工之豐腴猶之昔也無不盡羨而爭趨之人與事不相習名與實不相副品益雜職益廢矣又前清河工職官有專任之總督有兼任之巡撫有南北兩道有廳營有協防之州縣佐貳體制旣崇設置尤備今則但總局分局隊汛而已在地方官制中幾若無足重輕責大而權不足以相濟任艱而力不足以相舉首長而

豫河續志

序

四

才則亦止能暫保目前耳否則未有不債績者豈所以防災害而重民命哉此可慮者六也以上六者皆今日豫河泉著之情形是志微發其端而籌萬全之策定百世之計不能不有望於後之任斯職者嗟乎神禹以後河之患吾豫也數千年於茲矣自黎襄勤栗恭勤相繼建輒石壩埭之說人始知防守之基吳清卿尙書許文敏以摧陷廓清手段厲行減掃添壩政策至今行之勿敢少替四十年豫人不見河患宋元以來未之有也地方之福抑前人之澤歟吾豫人

其永矢勿忘不然余之是志雖不作可也
民國十四年夏曆乙丑十二月信陽陳善同

豫河續志
序

五

豫河續志凡例

一豫河向無專書因始吳質孫前長河務局時始輯有清一代之成案並旁考他書纂爲豫河志二十八卷而自夏迄明歷年四千黃河變遷多在豫境若不詳爲考察則志豫河歷史不免有數典忘祖之譏且民國以來河務凡經數次改組今昔情形迥然不同又國體已更一切措施不能概循夫故轍此本續志不得不亟議纂修以見共和之制度也

一本續志詳載自夏禹以後豫河事實與豫河志前後相銜接凡成案已載於豫河志者茲不再贅以省重複而豫河志漏未敘入之案仍摘要補錄用成完璧

豫河續志
凡例

一本續志以事爲主凡一案必撮舉首尾間或附以論說令閱者洞悉要領

一本續志內分圖說沿革職員公牘工料財政治績附錄八門圖說以詳豫河之現勢沿革以志經過之事實而職員公牘工料財政均據今制依類敘次豫河情形大概畢具治績則臚列古今治河者之成績附錄則旁考與豫河有關之水道工程各案摘要錄入以辨枝幹而析利害至河道自夏商以降代有變遷條南條北相距幾千百里被其害者死亡流徙自有史來不知幾億萬人茲特編豫河變遷史按時代繪圖具說附於本續志之後令閱者觸目警心知河防之不可忽焉

一治河以圖爲要本續志列圖於卷首不與其他各門共爲次第蓋圖可附本續志之內亦可單行且河勢時有變遷今年之圖未必適於明年之用而書則一成不變如數年或數十年之後河或改易即當重爲測繪續印是書不必仍用此圖合而一之正不妨離而二之也

一沁河爲本局兼轄自有清中葉設立黃沁廳其工程經費皆與黃河並重現改設東沁西沁二分局凡有可紀之事不得偏廢茲仍前志之例皆與黃河並載以昭畫一

一有清以前河工夫役物料大抵取之民間其費實較國家款項爲多但以官書不詳無從稽考確數自民八改制後全年河防經費不及從前十分之一而一木一石毫無徵

豫河續志

凡例

二

派豫民實受其賜本續志財政一門於此特加詳悉用彰國家恤民之旨

一河防工程向屬專門有終身河上而不得其途徑者本續志於技術上應用名詞及土石各工一切作法事事物物無不詳爲解釋期於開卷瞭然蓋入皆曉庶幾從事斯途者便於學步而向來弊竇亦可藉以廓清

一編纂本續志參考之書自禹貢水經以至近代治河諸書及府縣志共計一百餘種公餘之暇搜查徵引略漏殊多且有事關重要而爲諸書所不載無從徵信只得付之闕如者臣所不逮是所望於後之君子

一本續志以徵實爲主除參考各書及成案公牘外其近人





筆記與父老傳聞凡與河務有關者亦爲擇要甄錄惟語涉迷信及事之荒誕者不敢闖入以符志體

一此次編纂本續志係羅山王榮楮主在其分司修整者丁康保曹景彬黎士安蘇世珍周光第吳景平彭心衡韓英章吳廷筠陳璐憲曹龍章黃光遠繕寫者易立準石斌卽竹軒劉名權張貞田銘周書芳賈樹藩閻銘田嘉潤例得備書



豫河續志

凡例



三





3
6 2
5





7
7 2
5




13 8





13 7





12 11 11





13 11 11





12



12






docsriver 文川网
入驻商家 古籍书城




在文川网搜索古籍书城 获取更多电子书



20 16
19





18
21 12










41		22
26		25





21		23
27		25




28 27 24
E7









28 27 25
E7









27
28
29








docsriver 文川网
入驻商家 古籍书城

在文川网搜索古籍书城 获取更多电子书

35
20 38



42 18
25 24

